

Na osnovu člana 58. Statuta Socijaldemokratske partije Bosne i Hercegovine usvojenog na 7. Kongresu SDPBiH održanom 22.6.2019.godine, Glavni odbor SDP BiH, na 9. sjednici održanoj 8.4.2023.godine u Tuzli, donosi:

## ODLUKU

### O ODRŽAVANJU OSMOG REDOVNOG KONGRESA SOCIJALDEMOKRATSKE PARTIJE BOSNE I HERCEGOVINE

#### Član 1.

Osmi redovni Kongres Socijaldemokratske partije Bosne i Hercegovine održat će se u **subotu 10.06.2023. godine u Sarajevu.**

#### Član 2.

Glavni odbor SDP BiH predlaže Kongresu sljedeći:

#### DNEVNI RED

1. Usvajanje Poslovnika o radu Osmog redovnog Kongresa SDP BiH;
2. Izbor radnih tijela Osmog redovnog Kongresa SDP BiH:
  - a) Radno predsjedništvo;
  - b) Verifikacijska komisija;
  - c) Komisija za Rezolucije;
  - d) Komisija za Program;
  - e) Komisija za Statut;
3. Izveštaj Verifikacijske komisije;
4. Obraćanje Predsjednika SDP BiH
5. Obraćanje Gostiju
6. Izveštaj o radu Predsjednika, Glavnog odbora, Predsjedništva i Nadzornog odbora u periodu između dva Kongresa;
7. Prijedlog Statuta SDP BIH;
8. Prijedlog rezolucija;

### Član 3.

Kongres čine delegati/delegatkinje koji su izabrani u općinskim/gradskim organizacijama SDP BiH, Predsjednik SDP BiH, članovi/članice Glavnog odbora, Nadzornog odbora, Statutarnog odbora SDP BiH, po jedan predstavnik svakog interesnog oblika i predsjednici savjeta SDP BiH.

### Član 4.

Delegati/delegatkinje za Osmi redovni Kongres SDP BiH biraju se na sjednicama općinskih/gradskih odbora SDP BiH, od više evidentiranih kandidata/kandidatkinja. Izbor delegata/delegatkinja vrši se u Skladu sa Pravilnikom o kriterijima i načinu predlaganja i utvrđivanja delegata na Osmom redovnom Kongresu SDP BiH.

### Član 5.

Izbor delegata/delegatkinja izvršiti će se najkasnije do **5.5.2023. godine**. Općinske/gradske organizacije će najkasnije do **8.5.2023. godine** dostaviti Sekretarijatu SDP BiH spisak delegata/delegatkinja sa adresama za slanje Kongresnih materijala i Profilima iz baze podataka članstva (ATLAS).

### Član 6.

Za delegate/delegatkinje Kongresa potrebno je birati članove/ice SDP BiH koji su se afirmirali u svom dosadašnjem radu i predizbornim aktivnostima.

### Član 7.

Prilikom izbora delegata/delegatkinja potrebno je voditi računa o strukturi sastava delegata/delegatkinja i njihovoj aktivnosti u zakonodavnoj i izvršnoj vlasti:

- teritorijalna struktura - najmanje 1 delegata/delegatkinje iz svake općinske organizacije,
- nacionalna struktura - najmanje po 20% delegata/delegatkinja iz reda svakog konstitutivnog naroda (Bošnjaci, Hrvati i Srbi) i 5% delegata/delegatkinja iz reda Ostalih,
- spolna struktura - najmanje 40% delegata/delegatkinja manjinskog spola,
- starosna struktura - najmanje 30% mladih delegata/delegatkinja (do 35 godina starosti) i najmanje 10% delegata/delegatkinja preko 60 godina starosti.

### Član 8.

Ukupan broj delegata/delegatkinja Osmog redovnog Kongresa SDP BiH iznosi **620 delegata/delegatkinja**, od čega:

1. **464 delegata/delegatkinja** koje delegiraju općinske/gradske organizacije SDP BiH prema sljedećim kriterijima:
  - a) Svaka Općinska organizacija zastupljena je sa jednim delegatom/delegatkinjom, što iznosi ukupno **92** općinskih organizacija SDP BiH koje delegiraju ukupno po ovom kriteriju **92** delegata/delegatkinje;
  - b) **186 delegata/delegatkinja** se biraju na osnovu procenta učešća rezultata općinske/gradske

organizacije SDP BiH u ukupnom najpovoljnijem rezultatu SDP BiH na Općim izborima 2022. godine što će utvrditi Sekretarijat SDP BiH.

- c) **186 delegata/delegatkinja** se biraju na osnovu procenta učešća broja članova Općinske organizacije SDP BiH u ukupnom broju članova SDP BiH na dan donošenja Odluke o održavanju Osmog redovnog Kongresa što će utvrditi Sekretarijat SDP BiH.
- 156 delegata/delegatkinja** Organa SDP BiH (Predsjednik SDP BiH i članovi/ice Glavnog, Nadzornog i Statutarnog odbora).
  - Općinske organizacije koje biraju veći broj delegata/delegatkinja dužne su u koordinaciji sa kantonalnim/regionalnim organizacijama SDP BiH ispoštovati kriterije iz člana 7. ove odluke.
  - Na Kongresu učestvuju, ali bez prava odlučivanja, poslanici u Parlamentarnoj skupštini Bosne i Hercegovine, Parlamentu Federacije BiH, Narodnoj skupštini Republike Srpske, predstavnici SDP-a u izvršnoj vlasti na svim nivoima, članovi/ice Sekretarijata SDP BiH, predsjednici/ice općinskih, gradskih, kantonalnih i regionalnih odbora SDP BiH i predsjednici/ice Foruma SDP BiH, ukoliko po bilo kom osnovu nisu delegati/delegatkinje Kongresa.
  - Član SDP BiH koji nije ispunio svoje obaveze u vezi sa plaćanjem članarina u SDP BiH zaključno sa **5.5.2023.** godine ne može biti delegat niti kandidat Osmog redovnog Kongresa SDP BiH.

## Član 9.

Odluka stupa na snagu danom donošenja.

Broj: 02-02-55/23

Datum: 8.4.2023.godine

Potpredsjednik GO SDP BiH  
Senad Šušašić

